



**ԿՈՐՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ**  
**CORRUPTION PREVENTION COMMISSION**

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ, ԵՐԵՎԱՆ, 0009, ԿՈՐՅՈՒՆ 15, ՀԵՌ. (37412) 77 77 25  
KORYUN STREET 15, 0009, YEREVAN, REPUBLIC OF ARMENIA, TEL. (37412) 77 77 25

**01/1044-2022**

**27.05.2022թ.**

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ  
ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ» ՀԿ  
ԽՈՐՀՐԴԻ ՆԱԽԱԳԱՀ՝ Թ. ՄՈՎՍԻՍՅԱՆԻՆ**

***Հարգելի՛ պարոն Մովսիսյան,***

«Կոռուպցիայի կանխարգելման հանձնաժողովի մասին» օրենքի 40.2 հոդվածի 1-ին մասի համաձայն՝ Կոռուպցիայի կանխարգելման հանձնաժողովին (այսուհետ՝ Հանձնաժողով) է վերապահվել կուսակցությունների տարեկան հաշվետվությունների աուդիտի կազմակերպման գործառույթը, ինչի շրջանակներում Հանձնաժողովը կուսակցություններից պահանջել և ստացել է անհրաժեշտ տեղեկություններ: Նույն հոդվածի 2-րդ մասի համաձայն՝ «Կուսակցությունների տարեկան հաշվետվությունների աուդիտը (...) իրականացվում է Հանձնաժողովի կողմից բաց մրցույթով ընտրված աուդիտորական կազմակերպությունների կողմից»:»:

Հաշվի առնելով այն հանգամանքը, որ «Գնումների մասին» օրենքի 3-րդ հոդվածի 4-րդ մասի 5-րդ կետի համաձայն՝ այդ օրենքի գործողությունը չի տարածվում կուսակցությունների տարեկան հաշվետվությունների պարտադիր աուդիտի իրականացման նպատակով աուդիտորական ծառայությունների մատուցման գործարքների վրա, և այն, որ կուսակցությունների՝ 2021 թվականի տարեկան հաշվետվությունների աուդիտն իրականացնող կազմակերպություններն ընտրվելու են վերջնական վիճակահանության արդյունքում, իսկ կնքվող պայմանագրի գինը պետք է որոշված լինի մրցույթը հայտարարելիս, աուդիտորական կազմակերպություններին առաջարկում ենք, նշված մրցույթներին մասնակցելու ցանկության

դեպքում, յուրաքանչյուր կուսակցության համար ներկայացնել առանձին գնային առաջարկ՝ կից ձևաչափին համաձայն: Առաջարկվող գինը պետք է ներառի իրականացվող բոլոր ծախսերը, այդ թվում՝ հարկերը, տուրքերը և ՀՀ օրենսդրությամբ սահմանված այլ վճարները:

Աուդիտի արդյունքում տրամադրվում է աուդիտորական եզրակացություն՝ «Կուսակցությունների մասին» սահմանադրական օրենքի (այսուհետ՝ Օրենք) 27-րդ հոդվածի 2-րդ մասով սահմանված տարեկան հաշվետվության արժանահավատության և ճշտության, ինչպես նաև Օրենքի ու այլ իրավական ակտերի պահանջներին համապատասխանության վերաբերյալ:

Գնային առաջարկներն անհրաժեշտ է ուղարկել [info@cpcarmenia.am](mailto:info@cpcarmenia.am) էլեկտրոնային փոստի հասցեին. վերջնաժամկետը՝ 03/06/2022թ., ժամը՝ 18.00:

Միաժամանակ, հարկ ենք համարում նշել, որ աուդիտորական կազմակերպությունների ընտրության նպատակով բաց մրցույթը 2022 թվականին պետք է անցկացվի մինչև հուլիսի 31-ը, իսկ կուսակցությունները 2021 թվականի հաշվետու տարվա վերաբերյալ իրենց տարեկան հաշվետվությունները (Օրենքով նախատեսված դեպքերում նաև դրանց վերաբերյալ աուդիտորական եզրակացությունները) պետք է հրապարակեն մինչև՝ 2022 թվականի սեպտեմբերի 15-ը:

Խնդրում ենք սույն տեղեկատվությունը փոխանցել Հայաստանի աուդիտորների և փորձագետ հաշվապահների պալատին անդամակցող աուդիտորական կազմակերպություններին:

Կից տրամադրվում է՝ գնային առաջարկները ներկայացնելու ձևանմուշը, կուսակցություններից ստացված անհրաժեշտ տեղեկությունները:

Աուդիտ՝ 2 (երկու) էլեկտրոնային ֆայլ:

**ՀԱՐԳԱՆՔՈՎ՝**

**ՀԱՆՁՆԱԺՈՂՈՎԻ ՆԱԽԱԳԱՀ՝**



**ՀԱՅԿՈՒՎԻ ՀԱՐՈՒԹՅՈՒՆՅԱՆ**

Կատարող՝  
Հայտարարագրերի վերլուծության վարչություն  
Տիգրան Ծատուրյան  
[tts.cpcarmenia@gmail.com](mailto:tts.cpcarmenia@gmail.com)  
012-77-77-19, 012-77-77-21